

BOSNA I HERCEGOVINA  
FEDERACIJA BOSNE I HERCEGOVINE  
HERCEGOVAČKO-NERETVANSKI KANTON/ŽUPANIJA  
**GRAD MOSTAR**

Broj: 02-11-6082/24-2  
Mostar, 30.10.2024. godine

Na osnovu člana 70. stav (3), člana 33. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) (Zakon), te na temelju članka 43. Statuta Grada Mostara („Gradski službeni glasnik Grada Mostara” broj 4/04 „Službeni glasnik Grada Mostara” broj 8/09 i 15/10) i preporuke Konkursne komisije od 25.10.2024. godine, gradonačelnik Grada Mostara donosi

## **ODLUKU**

**o izboru nagrađenih učesnika Konkursa za izradu idejnog rješenja za obnovu objekta "Vila Mujage Komadine" u Mostaru**

### **Član 1.**

U postupku Konkursa za izradu idejnog rješenja za obnovu objekta "Vila Mujage Komadine" u Mostaru, provedenom po Obavještenju o nabavci broj: 1059-6-2-92-3-109/24 objavljenog na PJN dana 11.07.2024. godine, dodjeljuje se nagrada za sljedećeg učesnika:

- 1. nagrada u vrijednosti 3.500,00 KM radu pod šifrom OVMK24, autora ARS STUDIO R d.o.o. Mostar;**

### **Član 2.**

Autor nagrađenog rješenja dužan je da u roku od 5 (pet) dana od dana zaprimanja ove Odluke dostavi original ili ovjerene kopije dokaza o ispunjavanju uvjeta u skladu sa danom Izjavom iz člana 45. Zakona, jer isti nisu dostavljeni u sastavu konkursne dokumentacije.

### **Član 3.**

Sa autorom nagrađenog konkursnog rada zaključit će se ugovor o isplati nagrade, uz otkup autorskog djela, u roku od 15 (petnaest) dana od dana pravosnažnosti ove Odluke.

### **Član 4.**

Pregovarački postupak će se obaviti prema Tenderskoj dokumentaciji, u skladu sa Zakonom, s ciljem dodjele Ugovora za izradu Glavnog projekta za obnovu objekta "Vila Mujage Komadine" u Mostaru.

### **Član 5.**

Odluka će se uputiti autoru koji je učestvovao u postupku javne nabavke.

## Obrazloženje

Odlukom gradonačelnika Grada Mostara broj: 02-11-6082/24 od 03.04.2024. godine, pokrenut je postupak putem Konkursa za izradu idejnog rješenja za obnovu objekta "Vila Mujage Komadine" u Mostaru.

Ukupna procijenjena vrijednost nabavke je 20.000,00 KM (bez PDV-a).

Konkursna komisija imenovana je rješenjem broj: 02-11-6082/24-1 od 04.04.2024. godine.

Obavještenje o nabavci broj: 1059-6-2-92-3-109/24 objavljeno je na PJN dana 11.07.2024. godine.

Tenderska dokumentacija objavljena na PJN.

Konkursna komisija je konstatirala da je u danom roku do 20.08.2024. godine do 12 sati pristigla 1 anonimna ponuda, sljedećim redoslijedom:

### 1. OVMK24

(prilozi Zapisnik o zaprimanju i Zapisnik o otvaranju ponuda od 20.08.2024. godine)

U periodu od otvaranja šifrirane ponude do zaključnog sastanka Komisije, članovi Komisije su izvršili pregled i evaluaciju anonimnog rada, te na završnom sastanku odredili najbolje rangirani rad, nakon čega se pristupilo otvaranju i povezivanju šifre sa autorom rada, te je napravljen Izvještaj o ocjeni i preporuka ugovaraču.

(prilog Zapisnik o pregledu i ocjeni ponuda od 25.10.2024. godine, sa tabelama članova s pravom glasa i mišljenjima članova Komisije)

Grad Mostar je analizirao zapisnike i preporuku Komisije i odlučio da se ista uvažava.

Nagrada će biti isplaćena nakon sklapanja ugovora sa nagrađenim ponuđačem uz istovremeni otkup autorskog djela.

Pregovarački postupak će se obaviti sa prvoplasiranim ponuđačem, sve dok se isti uspješno ne okonča ili ne odustane od pregovaranja.

Shodno navedenom, primjenom člana 33. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke.

GRADONAČELNIK

Mario Kordić

Prijava

Portu Jaku

Služba za gradnju, prost. opremlj.

Služba za opremlj. i održavanje

Služba za održavanje